

Universitätsbibliothek Paderborn

Opusculum Theologico-Canonicum De Sponsalibus

Kugler, Johann

Norimbergæ, 1705

§. I. De Dissolutione Sponsalium.

urn:nbn:de:hbz:466:1-40883

PARS III.

§. I.

De Dissolutione Sponsalium.

I. **Q**uamvis Matrimonij consummati contractus ex institutione Divina, ob reverentiam Sacramenti, significantis perpetuam conjunctionem Christi cum Ecclesia, in ratione vinculi indissolubilis sit; Matrimonium ratum autem inter Christianos, sit solum solubile per professionem Religiosam (c. ex publico 7. de Convers. Conjug. Trid. Sess. 24. de Sacr. Matr. can. 6.) vel juxta communiorum sententiam apud Sanchez l. 2. D. 14. n. 2. Pirrhing de Sponsal. n. 142. Wagnerek super c. Licet. 3. de Sponsa duor. per dispensationem Pontificis; nihilominus Sponsalia de futuro multis modis dissolvuntur. Alij apud Gobat de Sponsal. n. 245. tales modos 10. alij 12. alij 16. vel 17. recensent; alij plures ad pauciores reducunt.

2. Non est dubium quin Sponsalia dissolvantur 1^o. per Sponsi, aut Sponsæ mortem, vel per non impletam conditionem; si Sponsalia erant conditionata, juxta dicta parte 2. n. 9. 2^o. Per aliquod impedimentum dirimens super inductum; aut de novo innotescens, v. g. affinitatis. Ratio hujus est, quia tali casu matrimonium, nec erit licitum; nec validum. Ergo nec ad illud con-

contrahendum, poterunt Sponsalia obligare:
Sanch. l. i. D. 56. n. 1. ut patet ex c. *Veniens ad nos*; 2. *&c.* *Ex literis 8. de eo qui cognovit &c.* Nisi impedimentum pars malitiosè incurrisset, v. g. per fornicationem, quo casu juxta electionem innocentis, obligaretur; vel ad damna huic resarcienda; vel ad petendam dispensationem, præsertim si innocens ex non impletis Sponsalibus gravius damnatum pateretur, vel dispensatio facile sperari posset. *Sanch. l. c. n. 4.* *Engel ad tit. de eo qui cognovit &c.* *König de Sponsal.* n. 68. & apud hunc *Coninck & Bonacini.* Impedimenta pure impeditia ferè abrogata sunt juxta dicta p. i. n. 18. excepto voto de quo dicetur n. 9. & Sponsalibus, de quibus n. 11. Tempus autem feriatum, Ecclesiæ interdictum, & omissione denuntiationum nihil officiunt Sponsalibus, ut per se patet. Ligamen seu matrimonium actuale, sic impedit Sponsalia. ut eo durante concessum non sit conjugi pacisci de novo matrimonio contrahendo post mortem Conjugis, quia tale pactum contra bonos mores est, adeoque irritum. *Layman. super cap. Bonæ 36. de Elect. & lib. 5. Theol. Moral. tr. 10. p. 4. c. 10. n. 7.* & ibi *Abbas, Lancelotus, Sanchez:*

3. Hic opportune notandum venit, ut faciliter impedianter peccata, & alia mala, ex irrito matrimonio oriri solita; quod pro impediendo matrimonio contrahendo, sufficiat etiam semiplena probatio impedimenti dirimenti, quæ sic 1^o per famam publicam c. 2. *de consanguin. &*

L

affinit.

affini. probatam saltēm per unum testem fide dignum. c. Cūm intua 27. de Sponsal. & Matrim. ea tamen elidi potest per probationes contrarias. Sanch. l. 1. D. 71. Pirrhing, König, &c. Ex fama privata (nisi sit notoria) vel ex publica non satis Judici probata, potest hic ultius quidem in veritatem inquirere, & nē partes ad matrimonium procedant, monere, non tamen compellere ad desistendum. Pirrhing de Sponsal. n. 157. ex cap. Cūm intua cit. 2^o. Probatio semiplena, & tamen hic sufficiens, fit, etiam per unum testem; licet non citatum; sed tantum oblatum, & quamvis (quod alias in teste legitimo requiritur) nec jurasset in præsentia partis, nec nomen ei suum publicasset; aut propriam suam turpitudinem accusaret; dummodo deponat eoram Judice tanquam testis, nec sit persona vilis, & juret Judici de certa scientia impedimenti. Sanchez, Pirrhing, Wagnerek & alij ex cap. Præterea 11. de Sponsal. c. super eo. 22. de Testibus. Hic tamen aliqui arg. cap. Præterea cum Gonzalez in c. 12. de Sponsal. Pirrhing & Abbatē excipiunt Sponsalia jurata, pro quorum executione impedienda, ajunt non sufficere semiplenam probationem impedimenti, ut evitetur periculum perjurij; sed oppositum melius probat Sanchez l. 1. D. 71. n. 8. modo testis sit integer.

Bene tamen idem num. 7. monet, quando agitur de matrimonio impediendo, non propter impedimentum dirimens, sed ex alia causa, non afferente periculum peccati, si matrimoni-

monium contrahatur; ut si impediendum esset propter fornicationem partis, eo casu non sufficiere probationem semiplenam; hæc enim non admittitur saltèm ordinariè in præjudicium tertij:
*Laym. l. 5. tr. 10. p. 1. c. 2. n. 12. ex c. Venit-
 ens 10. § c. licet 23. de Test.*

4. Hactenus dicta concernunt matrimonium contrahendum, nam pro dissolutione semel contracti, requiritur probatio plena nullitatis, vel impedimenti dirimentis. *c. 2. de Consanguin. §
 affin. c. super eo 22. de Testibus c. fin. de Sent.
 & re judic. & tradi solet in Tit. Qui Matr.
 accus.*

5. Tertiò dissolvuntur Sponsalia Puberum (de Impuberibus dictum est parte i. n. 19.) per mutuum, liberum, & non coactum consensum, seu potius dissensum. *Est communis
 doctrina Theologorum in 4. d. 27. § Canonist.
 in c. 2. de Sponsal. & aliorum, quos latè re-
 fert. Sanch. l. 1. de Sponsal. D. 52. n. 6. in-
 quit Suar. t. 2. de Virt. Relig. l. 2. de Juram.
 t. 39. n. 9. nam obligationes, quæ consensu
 contrahuntur (excepto matrimonio) contra-
 rià voluntate dissolvuntur. §. Ull. Instit.
 quib. mod. toll. oblig. & omnis res per quas
 causas nascitur, per easdem dissolvitur. I:
 Reg. f. & nihil tam naturale est, quam eo
 genere quidquam dissolvi. quo colligatum
 est. l. Nihil 35. ff. de R. f. Paritas est in con-
 tractu Societatis sic dissolubilis. l. 4. ff. pro socio,
 cui Sponsalia comparantur. c. 2. de Sponsal.
 Præterea; ut super hoc cap. Wagnerek notat,*

Actus non operantur ultra intentionem agentium, Sponsi autem non intendunt se obligare, nè possint resilire, si utrique collibitum sit.

6. Neque obstat *cap. 2. cit.* juxta quod Sponsi omnibus modis inducendi sunt, ut præstatam fidem servent; nam illud tantum monet, ne temerè, vel sinè causa, vel unus cum molestia alterius, simpliciter quidem, sed tamen ad instantiam importunam cum difficultate, & quasi coactè consentientis, resiliat: unde in multis locis, teste *Laymanno l. 5. tr. 10. p. I. c. 2. n. 1.* consuetudo est; si Sponsalia coram Parochio celebrata fuerint, ut eorum dissolutio non permittatur, nisi causâ priùs ad Episcopum delatâ; imò in Diæcesi Constantiensi, nè publicorum dissolutio propria autoritate fiat, sub casu reservato prohibetur. *Gobat de Sponsalium. 263.* Extra has prohibitiones, licita est dissolutio, utrique voluntaria, & libera; quamvis aliquam levitatem, & inconstantiam denotet, quam Pontifex in citato *cap.* dicit in patientia tolerari posse. Imò si sinè causa fiat, arguit Gobat (*ex eodem cap. & ex communi hominum sensu, culpam in hoc aliquam timentium*) esse saltē peccatum veniale. Coeterum *Pignatellus tomo 9. Consult. 134.* refert; Sacram Congregacionem declarâsse, etiam mutuo consensu dissolvi Sponsalia, quamvis per culpam carnalem essent confirmata; cùm enim per hanc non amplius transeant in matrimonium sicut olim, nec aliunde indissolubilitas desumi possit, non restat ratio, quæ probet dissolutionem hanc esse illicitam, saltē

tèm
aliud
nem

7.
rimi

Sanc

ex C

tum i

dem

Quia

natur

includ

c. Q

tali c

cessat

etiam

effet;

noren

tio su

Sanc

tivè c

tantù

si non

honor

De S

videtu

tentia

8.

sioner

moni

solvat

cap. 2

tèm graviter: nisi fortè grave damnum proliſ
aliud ſuaderet, ut inſinuabitur ex Lugone ad fi-
nem Quæſt. IV.

7. Prædicto modo, ſeu mutua voluntate di-
rimi poſſunt etiam jurata Sponsalia, ità cum
Sanchez l.c. plerique: *Quia, ut ait Vallensis*
ex Covarr. & Canis. quotiescumque juramen-
tum in favorem alicujus eſt præſtitum, id ab eo-
dem remitti potheſt. *arg. c. 1. de Furejur.* 2.
Quia juramentum tanquam accessorium ſequitur
naturam contractū, in quo ſemper ea conditio
includitur, niſi mutuo conſenſu diſſolvatur. *arg.*
c. Quemadmodum 25. de Furejur. 3. *Quia*
tali caſu ſubtrahitur juramento materia, adeoque
ceſſat obligare. *Quamvis* juramentum, aut
etiam votum primariò in honorem DEI factum
eſſet; ut ſi dives jurāſſet ex pietate, in DEI ho-
norem ducere pauperem: quia etiam hīc condi-
tio ſubintelligitur: ſi ipſa velit. Ità plurimi cum
Sanchez. Suarez hoc concedit; ſi puella poſi-
tivè obligationem diviti remittat; non verò, ſi
tantūm non reſiſtat. *l. cit. n. 13. Gobat* limitat;
ſi non uterque ex pietate, & primariò in DEI
hōrem, ſed in compartis utilitatem juravit.
De Sponsal. n. 251. verūm etiam in praxi tuta
videtur Sanchezij, multorūmque ſequacium ſen-
tentia, ſinē limitatione loquentium.

8. Quartò dirimuntur Sponsalia per profes-
ſionem Religiosam; cùm per illam etiam matri-
monium ratum, quod eſt vinculum fortius, diſ-
ſolvatur. *Trid. Sess. 24. de Matrim. c. 6. &*
cap. 2. & 7. de Convers. Conjug. *Quia Sponſa-*
L 3 libus

igen-
gare,
quod
, ut
ntūm
ſ cum
camen
e, &
de in
. p. I.
coram
olutio
opum
pub-
, ſub
onſal.
cita eſt
quam-
notet,
a tole-
Gobat
ſensu,
ſaltēm
tomo
gatio-
liſſolvi
eſſent
mpleri
liunde
ratio,
ſal-
tēm

libus ex dispositione juris semper hæc tacita con-
ditio inest: nisi statum Religiosum elegero: unde
Sponsus liberè novitiatum ingredi potest, nec
obstat c. *Commissum de Sponsal.* juxta dicta
p. 2. n. 49. & 50. quomodo eo casu pars rema-
nens eo ipso à Sponsalium obligatione liberetur,
non verò novitiatum ingressa, dicetur Q. I. No-
tat autem Wagnerek etiam extra Monasterium
per solam habitū susceptionem dissolvi Sponsalia
super c. *Consuluit* 4. *Qui Clerici vel vo-*
ventes &c.

9. 5º. Sicut sponsus, aut Sponsa potest liberè
religionem ingredi; ità potest ingressum vovere,
& sic Sponsalia dissolvere, etiam jurata *Suar.*
T. 3. de Relig. l. 4. c. 5. à n. 11. quo libro multa
de hoc voto tractat. *Sanct. l. 1. de Spons.* D. 46.
n. 2. Laym. l. 5. tr. 10. p. 1. c. 2. n. 4. *Pirr-*
bing de Sponsal. n. 51. apud hunc *Covarruv.*
& *Tanner.* & insinuabitur n. 48. Votum
verò simplex castitatis, vel cælibatus, vel susci-
piendi sacros ordines, sinè consensu Sponsæ
emissum, nec licitum est, nec emittentem à Spon-
salibus liberat, ut dicetur Q. II. Dat tamen
comparti jus resiliendi à Sponso, utpote tacite
renuntiante juri suo; Accedit (ait Wagnerek
super c. *Veniens* 5. *qui Clerici vel vow.*) per
ejusmodi voventem, conditionem ejus notabili-
ter mutari; tenetur enim à petendo debito absti-
nere, quod gravissimum est onus, præsertim
fæminæ, si semper cogitur petere. Idem quoad
jus resiliendi est; si hic Ordines Minores susce-
pisset: nam teste Gobat, & Sporer puellæ saltēm

in C
aut
Sacri
inha
non
pent
Cù
nulli
cedi
satis
cept
D.
ad r
de S
I
vel s
stric
cont
rei i
arg.
Nisi
Q.
I
etia
vali
quo
R. J
esta
c. si
XX
reve
dict
in

in Germania probro sibi ducunt nubere clero, aut clericando. Quod si Sponsus ipsâ Ordinum Sacrorum susceptione pro matrimonij contractu inhabilem se reddidisset, sinè sponsæ consensu; non modo graviter peccâset; sed etiam ad compensationem damnorum maneret obligatus. Cùm enim pro susceptione ordinum, facultas ei nullibi concedatur, sicut juxta num. 8. suprà conceditur pro ingressu in Religionem, manebit ad satisfaciendum obstrictus ex radice injustæ acceptio[n]is. Vide num. 7. partis 2. Castro Pat. D. I. de Sponsal. p. 29. n. 2. Engel de obligat. ad ratiocin. ex Sanch. l. I. D. 47. n. 3. König de Sponsal. n. 66.

10. Voto Religionis, vel sacerorum ordinum, vel simplici castitatis, & etiam voto cælibatûs obstrictum, non posse licet, aut validè Sponsalia contrahere, certum est: quia illa essent promissio rei illicitæ, adeoque nec obligatoria, nec valida: arg. c. Rursus 6. qui Clerici vel voventes &c. Nisi defloratio sponsæ accedat: ut dicetur.
Q. III.

11. Sextò ipso jure dissolvuntur Sponsalia, etiam jurata, per matrimonium cum alia actu, & validè (alias non præstaret impedimentum, quod de jure non fortitur effectum c. 52. de R. J. in 6.) quamvis illicitè contractum. Certa est assertio communis ex c. I. de Sponsa duor. & c. sicut 22. c. si inter 31. de Sponsal. c. fin. XXVII. q. 2. quo canone pro causa assignatur reverentia Sacramenti matrimonij ex quo juxta dicta n. 1. etiam indissoluble est, non autem

Sponsalia. Ratio ulterior est, quia inter duo vincula incompossibilia, tenet illud, quod est fortius, rupto, aut suspenso interim debiliore; matrimonium autem, utpote indissolubile, & ponens *jus in re* est fortius. Ergo illi cedunt Sponsalia, arg. I. Quotiens 15. C. de Rei vindic. adeoque non valet illa regula 54. f. in 6.

Qui prior tempore, posterior jure: licet valeat pro Sponsalibus, quae semel validè inita, & nullâ causâ justè resiliendi interveniente, non dirimuntur per Sponsalia posterjora, quamvis per copulam carnalem (juxta dicenda Q. IV.) vel iumento confirmata c. 1. de Spons. duor. c. 22. & 31. de Sponsal. ratio est: quia secunda Sponsalia nihil plus virium habent præ primis; neque obligat juramentum additum, utpote de re iniqua; c. Quanto 18. de Furejur. & alibi sapienter tit. & causa XXII. q. 4. per totum. Præterea Sponsa prior non tenetur cedere jure prius acquisito: quamvis ex sua parte possit resilire: juxta Reg. Frustrâ 75. f. in 6. & l. Cùm proponas 21. C. de Pactis & Regulam, quam hic præter alia Gottofred. adducit *Fidem frangenti fides frangatur eidem:* *Quin quod magis est* (inquit idem) *ad paenam contra adversarium potest agere:* quâ cogetur ad priora Sponsalia servanda, vel si cum alia matrimonium contraxit, insuper priori Sponsæ compensare damna tenebitur, ut si illa expensas fecit, aut imprægnata est &c. juxta dicta parte 2. n. 7. & nisi ipsa sponte juri suo cedat, manebit illud adhuc suspensum, non verò extinctum juxta dicenda Q. V.

12. Præ-

12. Præterea complures cum *Sanchez l. I.*
D. 50. n. 6. & *Palao D. I. p. 22. n. 4.* Bonac.
de Sponsal. pun. 5. n. 16. & 17. *Contra Covarr.* & *Rebellum* docent; quamvis priora
Sponsalia per mortem compartis, vel per ingressum
Religionis sublata essent, secunda *Sponsalia*
de futuro, durantibus prioribus contracta, non
obligare; cum primâ vice fuerint de re illicita;
tractu temporis autem non firmetur quod ab initio de jure non subsistit. *Reg. 18. f. in 6.*
& *Reg. Quod ab initio ff. eod. tit.* Sic à
pari etiam post impetratam dispensationem non obligant *Sponsalia* tempore voti *absolutè* contra-
cta; & conjugatus mortuâ uxore non tenetur ad
Religionem redire, in quâ invitâ uxore professio-
nem irritam emisit. c. Quidam 3. c. Placet 12.
de Convers. Conjug. Ratione tamen damni illati,
ut si eam deflorasset &c. *Sponsæ posteriori obli-*
gari sponsus posset, ut addit *Sanch. ibid.* & in
simili colligitur ex partis 2. q. 3.

13. Septimò. Ex parte *innocentis* solvuntur
Sponsalia, hoc est jus resiliendi ipsi conceditur,
si compars in fornicationem (sive carnalem, sive
spiritualem, hoc est hæresim, aut apostasiam ut
notat *Pirrhing. Vallenfis* & alij ex c. non so-
lum. 6. XXVIII. q. 1.) incidat; licet violentam
juxta dicenda Q. VI. Ratio est 1. quia in
sponsalibus etiam juratis, semper hæc conditio
subintelligitur: *Si Sponsa contra regulam de-*
sponsationis non venerit c. Quemadmodum
25. de Furejur. 2. Adultera potest à toro re-
jici Trid. Sess. 24. c. 8. de Sacram. Matr. &

iuri Canonicum. in pluribus capitulois de Divorciis ergo à potiori , fornicaria à sponsalibus : nam turpius ejicitur , quām non admittitur hospes , juxta c. Demadmodum. dicta de Sponsa , vicissim intelligenda sunt de sponso. Ita ut Sanchez l. 1. de Sponsal. D. 55. n. 4. dicat se non reperisse de hoc dubitantem. 3. Juxta dicta n. 11. Fidem frangenti , eadem frangi potest ; præsertim cum pars rea , suspectam se reddat de fide tori etiam posthac violanda , de amoris imminutione &c. 4. Insuper si Sponsa fornicetur , viro imminet periculum alienæ prolis alendæ , & infamia ; cùm valde probrosum sit corruptam ducere ; & sic notabilis fit mutatio in illa , præbens sufficientem causam resiliendi , ut dicetur num. 22.

14. Ad rescindenda Sponsalia etiam sufficit fornicatio Sponsæ priùs commissa ; vel si Sponsus non deprehendat eam esse virginem , ut putabat sed viduam , præsertim inhonestam. *Sanch. l. 1. D. 63. n. 2. § 3.* *Pirrhing* , *König* , apud hos *Gutierez* , *Coninck* , & alij. Quia & hic notabilis mutatio saltē moralis per detectionem talis vitij supervenit. 2. Pars rea repelli posset ob dolum commissum ; sicut qui merces vitiatas venderet , juxta dicta parte 2. n. 27. § 28. 3. Paria sunt in jure , aliquid supervenire , & præcedere ignoranter , res enim dicitur fieri , dum primò innotescit. c. *Pastoralis* 4. de Except. l. In lege 77. ff. de Contrah. empt. vide Lessium de f. § f. l. 2. c. 42. Dub. 7. § Cobat de Spons. n. 293. ubi ex Suar. *Sanch.* Laym. § Less.

Leff. probat, sponsum deprehensâ fornicatione, aut alia mutatione notabili resilire posse, à sponsalibus etiam juratis, quia juramentum per se loquendo, non extendit se ad plures circumstantias, quam actus; excipit tamen n. 302. pro foro externo, illa loca, in quibus usu receptum est; non admittere exceptionem, contra qualitates, nisi in contractu excipientur. *arg. l. Veteribus* 39. *ff. de pactis*, præsertim si ex dissolutione gravia mala timerentur. Ergo sicut rescindere Sponsalia potest Sponsus propter fornicationem subsequenter, sic poterit, propter præcedentem ignoratam; si autem eam scivisset, & nihilominus Sponsalia contraxisset, vel contracta post rescitam fornicationem, non ignarus sui juris resiliendi, copulâ carnali confirmâsset, displicere haud amplius posset, quod semel placuit R. 21. *J. in 6.* *arg. l. 13. §. ult.* serò enim accusat mores, quos, uxorem ducendo, probavit. *Eg. l. 40. ff. ad L. Jul. de Adult.* & de hoc casu loquitur cap. *Quemadmodum. de Furejur.* dum dicit non posse objici fornicationem præcedentem, sed subsequentem.

15. Quæ dicta sunt de ignorata fornicatione Sponsæ, extendit Navarrus ad Sponsum; verum Sanchez *l. 1. D. 63. n. 9.* & cum eo Pirrhing de Sponsal. num. 62. Gobat, citans Tamburinum de Sponsal. n. 307. Il Sung Tr. 6. D. 9. n. 28. Zoësius n. 43. König n. 73. de Sponsal. & apud hunc Coninck & Bonacina, aliquique communiter, negant Sponsam habere sufficientem causam resiliendi propter fornicationem Spon-

Sponsi præcedentem. 1. Quia is nec fidem frēgit, utpote nec dum datam, 2. Nec tam vili censetur propter fornicationem, sicut Sponsa. 3. Nec Sponsæ ita probosum est nubere viro, qui prius aliam cognovit; sicut sponso probosum est, ducere corruptam prius ab alio. Nisi tamen, ut Authores limitant, ille per fornicationes iteratas se infamem, & de incontinentia suspectum reddidisset. Similiter quia turpes tactus, amplexus & oscula, cum alio, fædiora sunt in Sponsa quam in sponso, communiter Authores sponso, non autem vicissim Sponsæ, jus concedunt propter illa Sponsam deserendi; oppositum tamen etiam probabile est; quia talis Sponsus, ut inquit Ilsung, factus est impudentior, & magis suspectus de non servanda aliquando fide matrimoniali, & amoris debiti diminutione. Unde putarem Sponsam resilientem in conscientia esse tutam, licet fortè propter authoritatem oppositam, in foro externo causâ caderet. Quid judicandum sit, si fornicetur utraque pars, dicetur

Q. VII.

16. Octavò Jus resiliendi acquirit Sponsa (idem ex Sanchez vicissim est de Sponso, quamvis ob raritatem casū id in jure non exprimatur) si Sponsus insciā, aut non consentiente Sponsa; & sinē justa causa, sinē spe redditūs (vel, ut loquitur Gobat, si certum sit non redditum proximè) discessit in regiones longinquas, vel, & quidem à potiori, si phrasī capituli *de illis. 5. de Sponsal. terram dimisit*, hoc est ipsum domicilium mutavit. Quo casu in dictis circumstan-

tiis

tis posito immediate resilire concessum est , ut
communiter docent Theologi & Canonistæ *ex*
c. de illis. Nisi sponsalia fuerint jurata , & per
Sponsam steterit quò minus priùs implerentur ,
quo casu recedenti pœna imponenda est de per-
jurio : ut dicitur *cap. eod.* Ratio est , quia talis
Sponsi in *longinquas* terras discessus , est quæ-
dam tacita renuntiatio sponsalium ; neque Sponsa
contrahens ad eam expectationem præsertim cum
periculo incontinentiæ , se obligavit ; multò mi-
nus ad mutandum domicilium , si illud Sponsus
mutet , & sic sufficientem causam habet dissol-
vendi sponsalia , sicut juxta dicenda *num. 22.*
Aliæ mutationes notabiles ad ejusmodi dissolutio-
nen sufficiunt. Accedit sponsum , nec dignum
videri ut expectetur , præsertim diutiùs ; qui
dignatus non est Sponsam de discessu , vel eman-
sione præmonere , aut consensum requirere ;
quo impetrato Sponsa ante concessum & in con-
ventione præfixum terminum resilire non aude-
ret , imò (ut in *cap. de illis* , riotat *Canis.*)
etiam aliquando tempore ultra illum expectare
teneretur. Vide *Sanch. l. 1. D. §4. per tot.*

17. Jus civile jubet sponsum , sed juxta multo-
rum explicationem in causa necessaria absentem
(qualis esset ægritudo , periculum mortis , de-
fensio Patriæ &c.) expectari , donec causa cef-
set ; *l. sape 17. ff. de Sponsal.* Quòd si absit in
causa honesta v. g. studiorum causâ , sed tamen
non necessaria , intrà Provinciam biennium ,
l. Si is. 2. C. eod. tit. extra provinciam trien-
nium expectationis conceditur *l. liberum C. de*

Repus.

*Repudiiſ: in hiſ enim caſibus non cenſetur Sponſaſ alibus renuntiāſſe; verūm Sanchez multis pro ſe citatiſ, contra non paucos cenſet, juſ Civile, per Canones eſſe correctum; tum ob rationes num: præced. inſinuatas, tum quia in cap. de illis nulla fit mentio de biennio, aut triennio, ut notat Gobat de Sponsal. n. 351. tum quia (ut urget Sanchez) liberum permittitur Sponsæ, eum alio contrahere, liberum autem ei non eſſet, ſi dependeret à licentia, vel à tempore, arg. Glossæ Clem. Dudum de Sepult. verb. liberè, ubi dicit ad liberè donare non requiri licentiam. Palaus probat, item König, nec legibus civilibus imperari illud biennium, vel triennium **absolutè** (cùm juſ civile l. 1. c. de Sponsal. aliunde liberaſ concedere videatur resiliendi potestatem) ſed tantum **conditionatè**, ſi resiliens arrhas, & alias donationes retinere vēlit.*

18. Optimè forſitan, tum Authores, tum canones, & leges (quæ arg. c. 1. de N. O. N. potiūs conciliari debent, quam ſinè gravi cauſa dicere, eas eſſe correctas, cùm hoc odiosum ſit) combinari poterunt; ſi dicatur Sponsam deſer- tam poſſe resiliare; ſi Sponsus, eā non conſentiente domicilium mutavit; prout ex ipſo capituli De illis textu colligunt Pirrhing, Panormit., Ca- nis., Wagnerek, Covarr., Laym. apud Il- fung. Vel ſi abſit ſinè ulla, aut cum exigua ſpe- rediūs, vel ſi ultra terminum à legibus, vel à Ju- dice (nam hic ex cauſis justis tempus arcta- re, vel prorogare poſt, ut docet Gobat ex Laym., Tanner & alij) vel ex conventione præfixum

em⁹

emaneat, vel si expectando Sponsa periculum incontinentiae, aut præclaras nuptias aliis negligendi, vel alia damna gravia subiret; præsertim si Sponsus, de his præmonitus, moras adhuc trahebat: extra hos casus probabiliter tempus expectationis à legibus statutum servandum esset; cùm leges ut arguit Laym. de se justæ sint; nec expressè, & disertè illis sit derogatum. Securissimè procedit, quod apud Gobat suadent *Palau*, *Guttierrez*, & *alij*; si negotium Judici committatur, saltè ubi dubium est de sufficientia, aut justitia causæ resiliendi.

19. 9º Dissolvuntur Sponsalia lapsu termini pro matrimonio contrahendo *ad finiendam* obligationem præfixi, ita definitum est *cap. sicut 22. de Sponsal.* Ratio est: quia terminus habet se instar conditionis, quâ non impletâ cessat obligatio.

20. Adhæc melius intelligenda notandum ex *Sanchez*, *Laymanno*, *Palao*, *Pirrhing*, *Il-sung &c.* dupliciter terminum aut certam diem alicui obligationi præfigi posse 1. ad eam simpliciter finiendam, ut nisi intrà tale tempus nuptiae sequantur, resilire liceat parti, per quam (sive culpabiliter, sive juxta *Q. VIII.* inculpabiliter) non stetit, ut executioni darentur; obligata adhuc parte alterâ, per quam stetit, ut executio non fieret: si autem per utramque partem stetit, sive si utraque in causa fuit, ut executio omitteretur, utraque libera, & neutra manebit obligata. Sic casu quo Petrus promittat Paulo vendere domum intrà mensem, si hic intrà idem tempus centum duca-

ducatos deponat, Paulus autem repromittat se domum empturum, & ducatos depositurum; si Petrus intrà hoc tempus domum ab inquilinis evakuaverit; mense elapso utriusque obligatio cessabit, si neuter conditionem servet. Quòd si Petrus domum evacuet, Paulus verò intrà hoc tempus ducatos non deponat, cessabit obligatio in Petro, non in Paulo, nisi eam Petrus remittat.

2. Terminius præfigi potest ad obligationem sollicitandam, non verò extinguidam: sic si quis pecuniam alteri pro uno anno commodavit, elapso hoc termino, potest commodatarium urgere ad solutionem; & si hic non solvat tempore statuto, non cessat obligatio solvendi; dupliciter enim obligabatur, nempe solvere, & solvere hoc tempore, unde obligatione unā neglectā ratione termini; nec dum cessat altera *l. Celsus* 23: §. 1. ff. *de Receptis qui arbit.*

21. Quòd si pro nuptiis nullus terminus præfixus sit; vel si est præfixus tantum ad sollicitandam executionem, non vero finiendam obligationem; deobligabitur etiam pars illa, quæ nimia dilatione nuptiarum gravatur ab altera: quia non præsumitur se obligasse ad nimis longam expectationem: hic tamen Judicis sententia requirenda est, ut ipse statuat, an dilatio sit nimia, vel terminum finiendi obligationem ponat. ita *Ilsung tr. 6. D. 9. n. 27.*

22. Decimò. Inter celeberrimas Sponsalia abruptipendi causas, est etiam mutatio compartis, sive physicè, sive etiam moraliter tantum, per detectionem seu manifestationem ejus; superveniens

veniens; ut colligitur ex num. 14. si aempe notabilis sit, per quam executio Sponsaliorum redatur notabiliter difficilior, ut benè notat *Gobat de Sponsal.* n. 310. vel prout passim notant Authors, si tanta sit ut eā prævisā, aut præcognitā, Sponsalia contracta non fuissent. De hac agit *Sanchez l. 1. D. 57.* & sequ. *Laym. l. 5. rr. 10. p. 1. c. 2. à n. 18.* *Gobat n. 293. de Sponsal. in Theol. experim. Ilſung l. c. n. 29.* *Pirrhing n. 63.* *Zoëf. n. 45.* *Vallensis §. 4. n. 9.* *Engel §. 3. n. II.* König à num. 75. de Sponsal. Ratio est 1. quia ex mente Doctorum, ut ait *Gobat*, communi calculo recepta, Sponsalibus semper inest ea conditio: nisi mutatio notabiliter præjudicans intervenerit, vel si res in eodem statu permanferit. arg. c. *Quemadmodum 25. de Jurejur.* 2. Quia contractus tam difficilis ineundi indissolubile Matrimonium, debet fieri valde deliberatè, & cum magna animi propensione, sic autem non fieret, si re notabiliter mutatā ad matrimonium Sponsi adstringerentur. Ex hac ratione *Sanct. l. 1. D. 62. n. 3.* causam assignat; cur in aliis contractibus non detur tam facilis resiliendi potestas ob rei mutationem; quia nimurum Sponsalia ad mutuum amerem ordinantur; & ad aliquid indissolubile; adeoque maiorem libertatem exigunt. 3. Talis mutatio Sponsis nunquam erat voluntaria, adeoque in eam non consenserunt. Ergo pars non mutata, potest ab altera recedere; præsertim si infausti exitus measuredentur: quamvis Sponsalia jurata fuissent,

M

non

non tamen post mutationem, cognitam, ratificata,
juxta dicta n. 14.

23. Præsertim autem parti deceptæ resilire
concessum esset, si mutatio, aut vitium compar-
tis studiosè celatum fuisset, cum jactantia oppo-
siti, & sic contractui, alias non ineundo, causa
eslet data; cum nulli sua malitia debeat esse lucro-
sa l. i. in princ. ff. de *Dolo malo*. vide num.
28. part. 2. Ex his *König de Sponsal.* n. 71.
Inter causas dissolvendi Sponsalia, secundo loco
ponit dolum, si is contractui causam dedit; unde
si Cajus juret, se non fuisse contracturum Spon-
salia cum Berta, si scivisset esse inopem, non erit
adigendus, inquit *Gobat ex Sanch.* l. c. n. 6. §
Laymann. quia error intercessit, de quo vide
p. I. n. 4.

24. Arnoldus König cum Sporer, bona,
circa quæ notabilis mutatio, & ad dissolvenda
Sponsalia fieri potest, rectè dividunt in bona ani-
mi, corporis, & fortunæ. Circa animi bona
(ut videre est apud *Sanchez*, *Laym.*, *Pir-*
rhing, *Zoës*, *Ilsung*, *Sporer*, *König* &c.)
ejusmodi mutatio contingit, si Sponsus fiat, aut
deprehendatur esse moribus asper, & sævus, ebri-
etati, aut scortationi deditus, vagabundus, pro-
digus, hæreticus, Apostata, aleator; criminibus
notatus, præsertim infamiam juris, aut facti pa-
rientibus: talia sunt: Crimen læsæ Majestatis,
veneficium, latrocinium, homicidium, adulte-
rium, falsum, rapina, furtum &c.

Præterea causæ dissolutionis huc reducibles esse
possunt, graves dissensiones, & inimicitæ, sive
præ-

præsentes; sive futuræ, non ex vanis fundamen-
tis prævisæ; sive inter Sponsos, sive inter eorum
Parentes, & cognatos; juxta dicta p. i. n. 72,
& ex his oritura scandala, & dissensiones. De-
nique ut Gobat notat resilire Sponsus potest, si
Sponsa sit spuria, & ob hoc ille non sit admitten-
dus ad tribum, perdat officinam, proles habeantur
pro illegitimis &c. vel si vicissim Sponsus sit
talis, vel proscriptus, vel Parentem habeat ad-
ulterum, præsertim si alicubi adulteria valde in-
fament.

25. Notabilis mutatio in bonis corporis est,
morbus contagiosus, vel incurabilis, vel aliis,
quo unus Sponsorum fastidiosus, & ad onera
Mattimonij subeunda notabiliter debilis redditur
arg. c. 18. XXXII. q. 7. & c. fin. de Conjug.
lepros. Tales in particulari censentur esse, mor-
bus Gallicus, Epilepsia, phrenesis, paralysis, lepra;
perpetua oris graveolentia, Gobat addit Herniam,
si ea impedit à laboribus consuetis, & pro vitæ
sustentatione necessariis. Denique si Sponsa, vel
Sponsus fiat mancus manu aut pede; claudus, sur-
dus, cæcus, cocles: & juxta Gobat, si Sponsa,
quæ putabatur fœcunda fore, resciatur esse steri-
lis, sive ex ætate, cum junior esse crederetur, sive
alia ex causa. De deformitate videnda est Q. IX.

26. Mutatio in bonis fortunæ est; si Sponsus,
vel Sponsa in paupertatem incidat, licet partæ
non mutatae resilire; vel si Parentes ære alieno
graventur, ut doteum solvere nequeant, quan-
quam, ut communius docetur, nec expressè pro-
missa fuisset; cum in ipsa promissione Matrimo-

nij, promissio dotis videatur includi; vel si uterque Sponsus ita fiant, aut deprehendant se esse inopes; ut valde difficulter se sustentaturi sint. Quid juris sit, si una pars in opinatè ad magnas opes perveniat, alterâ immutatâ, dicetur
Q. X.

27. Tandem Gobat n. 341. bene advertit, contingere posse, ut plures causæ concurrant, quæ licet non sufficient singulæ, sufficient tamen omnes simul sumptæ ad Sponsalium rescissionem.

28. Quærunt hic Authores, an dissolutio Sponsalium fieri possit à Sponsis sinè Judicis authoritate? Ex Affirmativè: si causa dissolvendi sit certa, & de se certò sufficiens; nisi alicubi vel consuetudo, vel statutum Diæcesanum, vel (si Sponsalia publica erant, causa dissolvendi autem occulta) periculum scandali sententiam Judicis requirat. Ità ferè *Sanch.* l. 1. D. 69. *Laym.* l. 5. tr. 10. p. 1. c. 2. num. 23. *Pirrhing* n. 65. *Zoëf.* n. 49. *Engel* §. 3. n. 12. *König* n. 80. de Sponsal. Ratio est: Quia in Sponsalibus, sicut in aliis contractibus dissolubilibus tacita semper conditio subintelligitur: nisi justa intervenierit causa dissolutionis, qua preinde certò interveniente, licitum erit resilire. Nec obstant c. *De illis* 7. & c. *Duo pueri* 12. de *Despons.* *Impub.* c. *Porro.* 3. de *Divortiis.* Nam ut Wagnerek super hæc capitula ex *Sánchez* notat, cap. *De illis*, non præcipit, sed tantum dicit, posse impuberem factum puberem *judicio Ecclesiae* separari, si reclamet: præterquam quod illa

illa Sponsalia fuerint juramento confirmata; & sic ex hoc putent aliqui specialiter in illo capitulo statui pro præsenti casu, ut judicium Ecclesiæ accedat; Capitulum Duo pueri, (idem dicendum, si obiectatur c. *Sæculares XXX. q. 2.*) loquitur de Sponsalibus de præsenti; quod quidam Guilielmus *sine causa*, ac judicio Ecclesiæ, & *sine dubio* cum scandalo deseruit. Similiter *cap.* Porro agit de Matrimonio in facie Ecclesiæ contracto, cuius dissolutio, præsertim quoad vinculum (de quo juxta communem interpretationem apud *Pirrhing n. 25. de Divort.* capitulum loquitur) fieri non potest, absque judicio Ecclesiæ; quamvis putetur adesse impedimentum notorium, tales conjuges tamen abstinere interim à debito tenentur. c. *Litteras 13. de restitu-* Spoliat.

29. Ubi causa dissolvendi Sponsalia non est moraliter certa, ita ut dubitetur de ejus existentia, vel sufficientia (circa quam teste *Pirrhing*, aliquando sufficeret viri docti judicium *exquirere*) non licet propriâ authoritate resiliere; sed recedere volenti, recurrendum est ad Judicem, hoc est ad Episcopum, vel constitutum ab eo, cuius erit in rei veritatem inquirere: ita *Sanch. L. I. D. 69, n. 8.* Ratio est; quia nemo ex possessione juris acquisiti deturbandus est, ex causa incerta. 2. Quia resiliens, exponeret se periculo gravis injustitiae in alterum committendæ. Ob has causas nec Judicii in dubio decidere licebit contra reum. Quid juris sit, dum agitur de impedimento^e dirimente, insinuatum est. n. 3.

M 3

30. Op-

30. Opportunè l. 1. D. 70. notat *Sanchez*, si causa dissolutionis sit cum infamia Sponsi aut Sponsæ conjuncta, ut si esset fornicatio occulta, partem ream privatim monendam esse, ut defistat, & sic infamiam evitet; si nolit adeundos esse Parentes, vel viros pios, vel Prælatum, ut Patrem, aut partem ream moneant, quod si ad huc in proposito persistat, fas esse eam ad tribunal Judicis deferre: *Quia innocens sic utitur iure suo, cùm alio modo se defendere nequeat.*

§. II.

Quæstiones de Dissolutione Sponsalium magis Disputabiles.

QUÆSTIO I.

An per ipsum ingressum in Religionem, Professione nondum secutâ, & fortè nec secuturâ, dissolvantur Sponsalia; tam ex parte remanentis, quam ingredientis?

Ex num. 8.

31. **R**Esp. 1. Ea solvi ex parte remanentis.
Ita Suar. T. 3. de Religione, l. 4. c. 5. n. 14. & l. 5. c. 11. n. 10. Sanch. l. 1. D. 42. n. 2. Layn. l. 5. tr. 10. p. 1. c. 2. n. 2. Falau de Spons. D. 1. p. 18. n. 3. Pirrhing. n. 50. Zoës. n. 27. Vallenf. §. 4. n. 2. Engel §. 3.

n. 7